

სსიპ საფინანსო-ანალიტიკური სამსახურის მიერ მონაცემთა შენახვის სისტემის (Storage) თანმდევი მომსახურებით
(მონტაჟი/ინსტალაცია/ექსპლოატაციაში გაშვება) შესყიდვის შესახებ
სატენდერო კომისიის სხდომის

ოქმი №1

ქ. თბილისი

27 აპრილი 2022 წელი

სატენდერო კომისიის თავმჯდომარე - გრიგოლ გალდავა

/გიორგი ბაბაკიშვილი/

/ალექსანდრე ხუსკივაძე/

/მზიური ბარბაქაძე/

/ირაკლი ჩხაიძე/

სატენდერო კომისიის აპარატის წევრები:

/ლევან ბაილოშვილი/

/პაატა მკერვალიშვილი/

/ლევან კვანტალიანი/

დღის წესრიგი:

სსიპ საფინანსო-ანალიტიკური სამსახურის მიერ, მონაცემთა შენახვის სისტემის (Storage) თანმდევი მომსახურებით (მონტაჟი/ინსტალაცია/ექსპლოატაციაში გაშვება) შესყიდვის შესახებ ელექტრონული ტენდერის (აუქციონის გარეშე) საშუალებით შესყიდვის შესახებ სატენდერო განცხადებისა და დოკუმენტაციის პროექტის განხილვა და დამტკიცება.

კომისიის წარდგინა:

სატენდერო კომისიის აპარატის წევრმა ირაკლი ბახტაძემ სატენდერო კომისიის დამსწრე წევრებს დასამტკიცებლად წარუდგინა მონაცემთა შენახვის სისტემის (Storage) თანმდევი მომსახურებით (მონტაჟი/ინსტალაცია/ექსპლოატაციაში გაშვება) შესყიდვის შესახებ სახელმწიფო შესყიდვის ელექტრონული ტენდერის (აუქციონის გარეშე) ჩატარების შესახებ განცხადების ტექსტი და სატენდერო დოკუმენტაციის პროექტი. ასევე, სამსახურის სისტემური ადმინისტრირების დეპარტამენტის უფროსის მოთხოვნის (N 16118-22 მოხსენებითი ბარათი) საფუძველზე ჩატარებული ბაზრის კვლევის (გამოკითხული იქნა 9 (ცხრა) კომპანია) შედეგების ამსახველი დოკუმენტაცია (N 19617-22, N 26216-22, N28221-22 - N 22539-22, N 26684-22, 28304-22 მოხსენებითი ბარათები).

განიხილეს:

დამსწრე სატენდერო კომისიის წევრებმა განიხილეს სატენდერო კომისიის აპარატის მიერ მომზადებული სატენდერო განცხადებისა და სატენდერო დოკუმენტაციის პროექტები, ასევე სახელმწიფო შესყიდვის წინამოსამზადებელი სამუშაოების შედეგები.

შესყიდვის ობიექტის სავარაუდო ღირებულების განსაზღვრისას გათვალისწინებულ იქნა ბაზრის კვლევის შედეგად მიღებული შემოთავაზებებიდან უმცირესი ერთეულის ფასი. შესაბამისად, ტენდერის საერთო სავარაუდო ღირებულებად მიჩნეულ იქნა განისაზღვროს - 948,000.00 (ცხრაას ორმოცდარვა ათასი) ლარი, დღგ-ს ჩათვლით.

შესყიდვის ობიექტის მიწოდების ვადა განისაზღვროს შემდეგი სახით - საქონელის მიწოდება (მონტაჟი/ინსტალაცია/ექსპლოატაციაში გაშვება) უნდა განხორციელდეს სახელმწიფო შესყიდვის შესახებ ხელშეკრულების ძალაში შესვლიდან 120 (ას ოცი) კალენდარული დღის განმავლობაში.

აღნიშნული შესყიდვის დაფინანსების წყაროდ განისაზღვროს 2022 წლის სახელმწიფო ბიუჯეტით გათვალისწინებული ასიგნებები.

სატენდერო დოკუმენტაციით განსაზღვრული მოთხოვნები ჩამოყალიბდა შესყიდვის ობიექტის ბაზრის კვლევის შედეგების გათვალისწინებით. ამასთანავე, ბაზრის კვლევის ეტაპზე დამატებით გათვალისწინებულ იქნა სახელმწიფო

შესყიდვების ერთიან ელექტრონულ სისტემაში არსებული ინფორმაცია.

ბაზრის კვლევის შედეგების ანალიზი ადასტურებს, რომ ბაზარზე ოპერირებს მიმწოდებელთა საკმარისი რაოდენობა, რომელთაც აქვთ შესაძლებლობა, ტენდერში მონაწილეობის სურვილის შემთხვევაში, დააკმაყოფილონ სატენდერო დოკუმენტაციით დაწესებული მოთხოვნები.

დამსწრე სატენდერო კომისიის წევრებმა აღნიშნეს, რომ ელექტრონულ ტენდერთან დაკავშირებით წარმოდგენილი სატენდერო პირობები/მოთხოვნები მისაღებია და ჩამოყალიბდა თანდართული სახით.

დაადგინეს:

1. „სახელმწიფო შესყიდვების შესახებ“ საქართველოს კანონის მე-12¹ მუხლის მე-4 პუნქტისა და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ მე-15 მუხლის პირველი და მე-2 პუნქტების შესაბამისად, სატენდერო კომისიამ მიიღო გადაწყვეტილება ელექტრონული ტენდერის ჩატარების შესახებ და დამტკიცა წარმოდგენილი სატენდერო პირობების პროექტი.

2. სახელმწიფო შესყიდვების სააგენტოს თავმჯდომარის მიერ 2017 წლის 14 ივნისის ბრძანება №12-ით დამტკიცებული „ელექტრონული ტენდერის ჩატარების წესის“ 39-ე მუხლის პირველი პუნქტის შესაბამისად, ზემოაღნიშნული ტენდერი გამოცხადდეს ვაჭრობის დაფარული მონაცემებით, ელექტრონული ვაჭრობის დამატებითი რაუნდების გარეშე (ელექტრონული ტენდერი აუქციონის გარეშე).

3. „სახელმწიფო შესყიდვების შესახებ“ საქართველოს კანონის მე-12¹ მუხლის მე-2 პუნქტისა და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ მე-16 მუხლის მე-9 პუნქტისა და მე-17 მუხლის მე-2 პუნქტის შესაბამისად, სატენდერო კომისიის აპარატმა უზრუნველყოს, სატენდერო განცხადების, სატენდერო დოკუმენტაციისა და სატენდერო პირობების დამტკიცების თაობაზე წინამდებარე კომისიის სხდომის ოქმის გამოქვეყნება/განთავსება სახელმწიფო შესყიდვების ერთიან ელექტრონულ სისტემაში.

სხდომის თავმჯდომარე



/გიორგილ გალდაძე/

სხდომის მდივანი:

სატენდერო კომისიის აპარატის წევრი



/ირაკლი ბახტაძე/

შესყიდვა დასრულებდა პირითად დროში. დამატებითი რაუნდები არ გაიმართება

შესყიდვის ტიპი ელექტრონული ტენდერი აუქციონის გარეშე(NAT)

განცხადების ნომერი N/A

დამატე რჩეულებში

შესყიდვის სტატუსი  განცხადების პროექტი

შემსყიდველი  საფინანსო-ანალიტიკური სამსახური

შესყიდვის გამოცხადების თარიღი

წინადადებების მიღება იწყება 26.05.2022 00:00

წინადადებების მიღება მთავრდება 31.05.2022 12:30

დაფინანსება 2022 წლის სახსრები

შესყიდვის სავარაუდო ღირებულება 948' 000.00 GEL

წინადადება წარმოდგენილი უნდა იყოს დღგ-ს გათვალისწინებით

კლასიფიკატორის (CPV) კოდი და კლასიფიკატორის დანაყოფი

- 30200000 - კომპიუტერული მოწყობილობები და აქსესუარები

კლასიფიკატორის (CPV) კოდი და შესყიდვის კონკრეტული ობიექტი

- 30233141 - დამოუკიდებელი დისკების ჭარბი მასივი, შიდა მეხსიერების სისტემა

შესყიდვის რაოდენობა ან მოცულობა იხილეთ სატენდერო დოკუმენტაციაში

მოწოდების ვადა იხილეთ სატენდერო დოკუმენტაციაში

შეთავაზების ფასის კლების ბიჯი 3' 800.00 GEL

გარანტიის ოდენობა 9' 480 GEL

გარანტიის მოქმედების ვადა 160 დღე

დამატებითი ინფორმაცია

Procurement type - Electronic Tender Without Reverse Auction (NAT)

Procuring entities - Financial Analytical Service

Procuring announcement date - 27.04.2022

Bid starts - 26.05.2022 00:00

Bid ends - 31.05.2022 12:30

Financing - 2022 year funds

Estimated value of procurement - 948,000.00 GEL

Bid must be submitted - VAT included

Classifier (CPV) code - 30200000 Computer Hardware & Accessories

Classifier (CPV) code and specific procurement object - 30233141 Excess array of independent disks, internal memory system

Amount/Volume of Procurement - See in tender documentation

Date of delivery - See in tender documentation

Price Discount Step - 3,800.00 GEL

Amount of Guarantee - 9,480.00 GEL

Guarantee validity period - 160 day

Source of Funds: 100% - Own funds

☛ შესყიდვის ობიექტის აღწერასთან დაკავშირებული ინფორმაცია

☐ 1.1 მიუთითეთ შესყიდვის ობიექტის დასახელება

მონაცემთა შენახვის სისტემა (Storage) თანმდევი მომსახურებით (მონტაჟი/ინსტალაცია/ექსპლუატაციაში გაშვება)

☐ ☐ 1.2 მიუთითეთ საქონლის/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

მონაცემთა შენახვის სისტემა (Storage) თანმდევი მომსახურებით (მონტაჟი/ინსტალაცია/ექსპლუატაციაში გაშვება)

შესყიდვის ობიექტის რაოდენობა - 2 (ორი) კომპლექტი;

ფორმ ფაქტორი:

სისტემას უნდა გააჩნდეს მინიმუმ 2 კონტროლერი არაუმეტეს U2 ზომის «RackMount». სიტემა უნდა იყოს აღჭურვილი სასერვერო კარადაში განთავსებისათვის საჭირო კომპლექტით (სამაგრებით, დენის და ქსელის კაბელებით).

კონტროლერი ოპერატიული მეხსიერება:

მინიმუმ 32 GB კონტროლერზე.

RAID კონტროლერი:

RAID 5, RAID 6, RAID 10 ან RAID-DP, RAID 4, RAID-TEC მხარდაჭერა.

დისკური შასი:

მინიმუმ 24 ცალი მყარი დისკის სლოტი.

მყარი ლოკალური დისკები:

მინიმუმ 18 ცალი არანაკლებ 3.2 TB SSD.

მინიმუმ 45 ცალი 4TB SAS ან NL SAS 7.2K LFF ტიპის მყარი დისკი hot-swap ინტერფეისი.

კვების წყარო:

hot-swap მინიმუმ 2 ცალი.

ქსელური ინტერფეისი:

პროტოკოლების მხარდაჭერა მინიმუმ FC, iSCSI, NFS, CIFS/SMB;

სისტემას უნდა გააჩნდეს შემდეგი ინტერფეისების მხარდაჭერა: 8/16 Gb/s FC და 1/10 Gb/s Ethernet;

სისტემას უნდა მოყვეს მინიმუმ 8 ცალი 10 Gbps ინტერფეისი თავსებადი ტრანსივერებით და კაბელებით მინიმუმ თითო 15 მეტრი.

დამატებითი პარამეტრები:

სისტემაზე შესაძლებელი უნდა იყოს ერთოვლად მინიმუმ 9 ცალი გაფართოების თაროს დაერთება და მინიმუმ 96 SSD და 240 NL-SAS დისკით გაფართოება;

მინიმალური RAW მოცულობის მხარდაჭერა 2 PB;

სისტემის მიერ მხარდაჭერილი LUN-ების რაოდენობა მინიმუმ 1000;

სისტემას უნდა გააჩნდეს Snapshots შესაძლებლობა;

სისტემას უნდა შეეძლოს სინქრონული და ასინქრონული რეპლიკაცია;

სისტემას უნდა შეეძლოს AD-სთან ინტეგრაციის შესაძლებლობა;

შემოთავაზებულ სისტემას უნდა გააჩნდეს ვებ და CLI მენეჯმენტის მხარდაჭერა;

შემოთავაზებულ სისტემას უნდა მოყვებოდეს ყველა საჭირო ლიცენზია.

ოპერაციული სისტემების თავსებადობა:

Linux, Windows;

ჰიპერვაიზორ სისტემების მხარდაჭერა

Vmware, XenServer, Hyper-V, VMware VAAI, VASA, SRM;

☐ 1.3 ატვირთეთ ფასების ცხრილი/ხარჯთაღრიცხვა



ფასების ცხრილი.pdf

☐ 1.4 მიუთითეთ საქონლის მიწოდების/მომსახურების გაწევის/სამუშაოს შესრულების ვადა

საქონლის მიწოდება მონტაჟი/ინსტალაცია/ექსპლუატაციაში გაშვება პრეტენდენტმა უნდა განახორციელოს სახელმწიფო შესყიდვების შესახებ ხელშეკრულების ძალაში შესვლიდან 120 (ას ოცი) კალენდარული დღის განმავლობაში;

☐ 1.5 მიუთითეთ საქონლის მიწოდების/მომსახურების გაწევის/სამუშაოს შესრულების ფორმა და ადგილი

ერთი კომპლექტი მონაცემთა შენახვის სისტემის (Storage) თანმდევი მომსახურებით (მონტაჟი/ინსტალაცია/ექსპლუატაციაში გაშვება) მიწოდება უნდა განხორციელდეს ქ. თბილისი, გორგასლის ქუჩა №16-ში, ხოლო ერთი კომპლექტი მონაცემთა შენახვის სისტემის (Storage) თანმდევი მომსახურებით (მონტაჟი/ინსტალაცია/ექსპლუატაციაში გაშვება) მიწოდება უნდა განხორციელდეს ქ. რუსთავი, წითელი ხიდის გზატკეცილი 21-ე კილომეტრი (სსიპ საფინანსო-ანალიტიკური სამსახური).

☐ 1.7 მოითხოვება თუ არა ინფორმაცია საგარანტიო ვადის შესახებ?

კი

☐ ☐ 1.7.1 მიუთითეთ საგარანტიო ვადასთან დაკავშირებული მოთხოვნები

1.7.1.1 მოწოდებულ საქონელზე უნდა ვრცელდებოდეს მწარმოებლის არანაკლებ 3 წლიანი გარანტია, რომლის ათვლაც დაიწყება მიღება-ჩაბარების აქტის გაფორმების დღიდან. (მოწოდების შემდგომ აღნიშნული ინფორმაციის გადამოწმება შესაძლებელი უნდა იყოს მწარმოებლის ოფიციალურ საიტზე) საგარანტიო პერიოდში, მოწოდებული საქონლის ნებისმიერი დაზიანების შემთხვევაში, პრეტენდენტი ვალდებულია საკუთრი ხარჯებით აღმოფხვრას ყველა გამოვლენილი ხარვეზი/დაზიანება, აპარატული/ფიზიკური დაზიანების შემთხვევაში აღდგენის დრო არ უნდა აღემატებოდეს 14 (თოთხმეტი) დღეს (კალენდარული დღე), ხოლო ინფორმაციის მატარებლის (დისკი) დაზიანების შემთხვევაში აღდგენის დრო არ უნდა აღემატებოდეს 3 (სამი) (კალენდარული დღე) დღეს.

1.7.1.2 საგარანტიო პერიოდის მანძილზე შემსყიდველს უნდა ჰქონდეს ცხელი ხაზით, ელ. ფოსტით და პორტალით მწარმოებელთან ინციდენტის რეგისტრირების საშუალება;

1.7.1.3 პრეტენდენტმა სატენდერო დოკუმენტაციის 1.7.1.1 და 1.7.1.2 პუნქტებით მოთხოვნილი საგარანტიო პირობის დასადასტურებლად უნდა წარმოადგინოს ინფორმაცია;

▼ ტექნიკური მოთხოვნები

☐ 2.1 მოითხოვება თუ არა ინფორმაცია შესყიდვის ობიექტის სასაქონლო ნიშნის, პატენტის, მოდელის, წარმოშობის წყაროს ან/და მწარმოებლის შესახებ?

კი

☐ ☐ 2.1.1 მიუთითეთ, თუ რა ინფორმაცია მოითხოვება შესყიდვის ობიექტის სასაქონლო ნიშანთან, პატენტთან, მოდელთან, წარმოშობის წყაროსთან ან/და მწარმოებელთან დაკავშირებით

პრეტენდენტმა უნდა წარმოადგინოს ინფორმაცია მოსაწოდებელი საქონლის მწარმოებელი კომპანიის, ქვეყნის, მოდელისა და მისი დეტალური ტექნიკური სპეციფიკაციების შესახებ;

☐ 2.2 მოითხოვება თუ არა ინფორმაცია პრეტენდენტის გამოცდილების შესახებ?

არა

☐ 2.3 მოითხოვება თუ არა ინფორმაცია პრეტენდენტის მატერიალურ-ტექნიკური ბაზის შესახებ?

კი

☐ ☐ 2.3.1 მიუთითეთ პრეტენდენტის მატერიალურ-ტექნიკურ ბაზასთან დაკავშირებული მოთხოვნები

საქართველოში უნდა არსებობდეს შემოთავაზებული საქონლის მწარმოებლის მინიმუმ ერთი ავტორიზებული სერვის-ცენტრი. აღნიშნულის დასტურად, პრეტენდენტმა უნდა წარმოადგინოს შესაბამისი ინფორმაცია.

☐ 2.4 მოითხოვება თუ არა ინფორმაცია პრეტენდენტის პერსონალის გამოცდილების შესახებ?

არა

☐ 2.5 მოითხოვება თუ არა დეტალური ინფორმაცია საქონლის მიწოდების/მომსახურების გაწევის/სამუშაოს შესრულების ვადების შესახებ (გეგმა-გრაფიკი)?

არა

☐ 2.6 მოითხოვება თუ არა ინფორმაცია პრეტენდენტის ფინანსური შესაძლებლობების შესახებ (გარდა სარეგისტრაციო/უფლებრივი მონაცემებისა)?

არა

☐ 2.7 მოითხოვება თუ არა ინფორმაცია ლიცენზიასთან, აკრედიტაციასთან, სტანდარტებთან, ხარისხის შესაბამისობასთან და სხვ. დოკუმენტებთან დაკავშირებით?

კი

☐

2.7.1 მიუთითეთ ლიცენზიასთან, სტანდარტებთან, აკრედიტაციასთან, ხარისხის შესაბამისობასთან და სხვ. დოკუმენტებთან დაკავშირებული მოთხოვნები

პრეტენდენტმა უნდა წარმოადგინოს მწარმოებლის ავტორიზაციის წერილი (MAF), რომელიც დაადასტურებს შემოთავაზებული საქონლის გაყიდვის ავტორიზაციას, მითითებული იქნება პრეტენდენტის დასახელება და წინამდებარე ტენდერის უნიკალური ნომერი.

☐

2.8 მოითხოვება თუ არა ინფორმაცია ქვეკონტრაქტორის შესახებ?

არა

☐

2.9 სხვა დამატებითი მოთხოვნები (ცვლის შეცვლა არ არის სავალდებულო)

2.9.1 პრეტენდენტმა, საკუთარი ხარჯებით უნდა უზრუნველყოს თანმდევი მომსახურების (მონტაჟი/ინსტალაცია/ექსპლუატაციაში გაშვება) განხორციელება, ამისათვის საჭირო ყველა დამატებითი მასალის და კომპონენტების ჩათვლით, შემსყიდველის მხრიდან ყველანაირი დამატებითი ხარჯის გაწევის გარეშე;

2.9.2 მოწოდებული საქონელი (მისი ყველა კომპონენტი) უნდა იყოს ახალი (არ უნდა იყოს მეორადი გამოყენების).

☞ შესყიდვის ობიექტის ნიმუში ან/და ექსპერტიზის დასკვნა

☐

3.1 მოითხოვება თუ არა ნიმუშის ან/და ნიმუშის ექსპერტიზის დასკვნის წარმოდგენა?

არა

☞ ფასწარმოქმნის ადეკვატურობის დამადასტურებელი დოკუმენტ(ებ)ი

☐

4.1 მოითხოვება თუ არა სავარაუდო ღირებულებასთან შედარებით საბოლოო ფასის 20%-ით ან მეტით კლების შემთხვევაში ფასწარმოქმნის ადეკვატურობა?

კი

☐

4.1.1 მიუთითეთ, კონკრეტულად თუ რა დოკუმენტ(ებ)ით უნდა დაასაბუთოს პრეტენდენტმა ფასწარმოქმნის ადეკვატურობა

იმ შემთხვევაში, თუ ტენდერში პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია უზრუნველყოს ფასწარმოქმნის ადეკვატურობის დასაბუთება შემსყიდველის მიერ განსაზღვრულ ვადაში. ფასწარმოქმნის ადეკვატურობის დადასტურება შესაძლებელია შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული მიღება-ჩაბარების აქტით ან/და ანგარიშფაქტურით ან/და ზედნადებით ან/და მწარმოებელი კომპანიის მიერ გაცემული წერილობითი დოკუმენტით. საიდანაც, მწარმოებელი კომპანიის მიერ გაცემული წერილობითი დოკუმენტი, გაცემული უნდა იყოს, მოცემული ტენდერის, სატენდერო კომისიის მიერ შერჩევა/შეფასების ოქმში ფასწარმოქმნის ადეკვატურობის დამადასტურებელი დოკუმენტის წარმოდგენისთვის განსაზღვრული ვადის ამოწურვამდე ბოლო 1 (ერთი) წლის განმავლობაში. ხოლო, სხვა დანარჩენი დოკუმენტაცია, მოცემულ ტენდერში წინადადებების მიღების დასრულებამდე 1 (ერთი) წლის განმავლობაში.

☐

4.1.2 მიუთითეთ ფასწარმოქმნის ადეკვატურობის დამადასტურებელი დოკუმენტ(ებ)ის წარმოდგენის ვადა

მოთხოვნიდან 3 სამუშაო დღის ვადაში

☞ სარეგისტრაციო/უფლებრივი მონაცემების ამსახველი დოკუმენტ(ებ)ი

☐

5.1 მოითხოვება თუ არა პრეტენდენტის სარეგისტრაციო/უფლებრივი მონაცემების ამსახველი დოკუმენტ(ებ)ი?

არა

☐ ხელშეკრულების შესრულების უზრუნველყოფის გარანტია

6.1 მიუთითეთ ხელშეკრულების შესრულების უზრუნველყოფის გარანტიის ოდენობა - (2 %-დან 5 %-ის ჩათვლით)

2 პროცენტი

ჩაწერა

6.2 მიუთითეთ სავარაუდო ღირებულებასთან შედარებით საბოლოო ფასის 20%-ით ან მეტით კლების შემთხვევაში გარანტიის ოდენობა - (2 %-დან 10 %-ის ჩათვლით)

5 პროცენტი

ჩაწერა

☐

6.3 მიუთითეთ გარანტიის მოქმედების ვადა

ხელშეკრულების შესრულების უზრუნველყოფის საბანკო გარანტიის მოქმედების ვადა არანაკლებ 30 (ოცდაათი) კალენდარული დღით უნდა აღმატებოდეს ხელშეკრულებით გათვალისწინებული საქონლის მიწოდების საბოლოო ვადას.

☐

6.4 მიუთითეთ გარანტიის პირობები

6.4.1 გარანტია წარმოდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში;

6.4.2 წარმოდგენილი გარანტია უნდა იყოს უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე) და გამოუთხოვადი.

6.4.3 იმ შემთხვევაში თუ მიმწოდებელი ვერ შეასრულებს ხელშეკრულებით ნაკირს ვალდებულებებს, შემსყიდველი მიმართავს გარანტიის გამცემს თანხის ანაზღაურებასთან დაკავშირებით, წერილობითი ფორმით, რომელშიც მითითებული უნდა იყოს მოთხოვნილი თანხა როგორც ციფრობრივად ისე სიტყვიერად და ასევე საბანკო რეკვიზიტები;

6.4.4 წარმოდგენილი საბანკო გარანტია ავტომატურად უქმდება:

- საბანკო გარანტიის ვადის გასვლით;
- გარანტის მიერ იმ თანხის გადახდით, რომელზედაც გაიცა საბანკო გარანტია;
- შემსყიდველის მიერ თავის უფლებებზე უარის თქმისა და საბანკო გარანტიის ორიგინალის დაბრუნებისას.

☐ ანგარიშსწორების პირობები

☐

7.1 გამოიყენება თუ არა წინასწარი ანგარიშსწორება?

არა

☐

7.2 მიუთითეთ ეტაპობრივი ან/და საბოლოო ანგარიშსწორების განხორციელების პირობები

7.2.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;

7.2.2. ანგარიშსწორება მოხდება უნაღდო ანგარიშსწორებით ლარში.

☐ 7.3 მიუთითეთ ეტაპობრივი ან/და საბოლოო ანგარიშსწორების განხორციელების ვადები(სახელმწიფო შესყიდვების სააგენტოს რეკომენდაციაა ხელშეკრულების შესრულების დამადასტურებელი დოკუმენტის გაფორმებიდან არაუგვიანეს 10 სამუშაო დღე)

ანგარიშსწორება განხორციელდება მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

▼ ხელშეკრულების პროექტი

☐ 8.1 ატვირთეთ ხელშეკრულების პროექტი

 ხელშეკრულების პროექტი.pdf ☐

▼ საკონტაქტო პირის შესახებ ინფორმაცია

☐ 9.1 მიუთითეთ სატენდერო კომისიის აპარატის საკონტაქტო წევრის ვინაობა და მონაცემები

ირაკლი ბახტაძე, 599468244, I.bakhtadze@mof.ge ლევან კვანტალიანი, 577797984, l.kvantaliani@mof.ge

▼ დამატებითი ინფორმაცია/დოკუმენტები

☐ ☐ 10.1 დამატებითი ინფორმაცია/დოკუმენტები (ველის შევსება არ არის სავალდებულო)

10.1.1 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხო ენაზე წარდგენის შემთხვევაში მათ უნდა დაერთოს სანოტარო წესით დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

10.1.2 ელექტრონულ სისტემაში ატვირთული პრეტენდენტის მიერ შექმნილი ყველა დოკუმენტი ან/და ინფორმაცია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, სავალდებულოა დამოწმებული/დადასტურებული იყოს კვალიფიციური ხელმოწერით ან/და კვალიფიციური შტამპით. ამასთანავე, ხელმოწერა უნდა განხორციელდეს შესაბამისი უფლებამოსილი პირის მიერ (საჭიროების შემთხვევაში ატვირთული უნდა იქნეს მინდობილობა);

10.1.3 შესასყიდ საქონელზე, სადაც მითითებულია კონკრეტული სასაქონლო ნიშანი, მოდელი, სტანდარტი, წარმოშობის წყარო, ესკიზი, ფოტო ან მწარმოებელი (ასეთის არსებობის შემთხვევაში) იგულისხმება „მსგავსი“, „ანალოგი“ ან „ეკვივალენტური“, იგივე მახასიათებლებით.

 განკარგულება #742.pdf ☐

▼ სატენდერო პირობების დამტკიცების შესახებ სატენდერო კომისიის სხდომის ოქმი

☐ 11.1 ატვირთეთ სატენდერო პირობების დამტკიცების შესახებ სატენდერო კომისიის სხდომის ოქმი

ფასების ცხრილი

შესყიდვის ობიექტი	შწარმოებული ქვეყანა, კომპანია, მოდელი და მასასიათებლები	რაოდენობა (კომპლექტი)	ერთეულის ფასი (ლარი)	საერთო ღირებულება (ლარი)
<p>მონაცემთა შენახვის სისტემა (Storage) თანმდევი მომსახურებით (მონტაჟი/ინსტალაცია/ექსპლუატაციაში გაშვება) CPV 30233141</p>		2		

პრეტენდენტის დასახელება _____

პრეტენდენტის ხელმოწერა _____

სახელმწიფო შესყიდვების შესახებ ხელშეკრულების პროექტი

ქ. თბილისი

სსიპ საფინანსო-ანალიტიკური სამსახური, წარმოდგენილი _____ სახით (შემდგომში „შემსყიდველი“)
და _____ (შემდგომში „მიმწოდებელი“), წარმოდგენილი მისი დირექტორის _____ სახით, ორივე ერთად
წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“
საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
3. „დღე“, „კვირა“, „თვე“ - კალენდარული დღე, კვირა, თვე.
4. „შემსყიდველი“ - ორგანიზაცია, რომელიც ახორციელებს შესყიდვას.
5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

წინამდებარე ხელშეკრულების საგანია დანართი N1-ით გათვალისწინებული მონაცემთა შენახვის სისტემა (Storage) თანმდევი მომსახურებით (მონტაჟი/ინსტალაცია/ექსპლუატაციაში გაშვება) მიწოდება- CPV 30233141;

3. ხელშეკრულების ღირებულება

1. ხელშეკრულების საერთო ღირებულება შეადგენს _____ ლარს.
2. საქონლის ღირებულება მოიცავს როგორც გასაწვევ საჭონის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
4. საქართველოს სამოქალაქო კოდექსის 398-ე მუხლით გათვალისწინებული პირობების დადგენის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები

1. მიმწოდებელი ვალდებულია:
 - ა) უზრუნველყოს ხელშეკრულების მე-2 მუხლით გათვალისწინებული საქონლის ერთი კომპლექტის მიწოდება - ქ. რუსთავი წითელი ხიდის გზატკეცილი 21-ე კილომეტრზე, ხოლო ერთი კომპლექტის მიწოდება ქ. თბილისი, გორგასლის ქუჩა №16-ში (სსიპ საფინანსო-ანალიტიკური სამსახური) - წინამდებარე ხელშეკრულების ძალაში შესვლიდან _____ დღის განმავლობაში.
 - ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
 - გ) ხელი შეუწყოს შემსყიდველს ინსპექტირების განხორციელებაში.
 - დ) განახორციელოს ამ ხელშეკრულებითა და მოქმედი კანონმდებლობით მასზე დაკისრებული სხვა ვალდებულებები.
2. შემსყიდველი ვალდებულია:
 - ა) განახორციელოს ამ ხელშეკრულებით მასზე დაკისრებული ვალდებულებები.
3. მიმწოდებელს უფლება აქვს:

ა) მოსთხოვოს შემსყიდველს გაწეული საქონლის ღირებულების ანაზღაურება ხელშეკრულებით გათვალისწინებული პირობებით;

4. მხარეები კისრულობენ ვალდებულებას წინამდებარე ხელშეკრულებასთან დაკავშირებული ნებისმიერი მიმოწერა აწარმოონ წერილობით ან/და ელექტრონული ფოსტის (მიმწოდებლის ელექტრონული ფოსტის მისამართ(ებ)ი: -----) შემსყიდველის ელექტრონული ფოსტის მისამართ(ებ)ი: -----) მეშვეობით.

5. ხარისხი და გარანტია

1. მიწოდებული საქონლი უნდა იყოს ახალი, მისი ხარისხი უნდა შეესაბამებოდეს ამ სფეროში დადგენილ სტანდარტებს (ასეთის არსებობის შემთხვევაში) და წინამდებარე ხელშეკრულებაში განსაზღვრულ მაჩვენებლებს.

2. მიწოდებულ საქონელზე მწარმოებლის გარანტია ვრცელდება, მიღება-ჩაბარების აქტის გაფორმებიდან ----- -- წლის განმავლობაში. საგარანტო პერიოდში ნებისმიერი საგარანტო მომსახურება მიმწოდებელმა უნდა უზრუნველყოს საკუთარი სახსრებით;

3. საგარანტო პერიოდში, მიწოდებული საქონლის ნებისმიერი დაზიანების შემთხვევაში, მიმწოდებელი ვალდებულია საკუთარი ხარჯებით აღმოფხვრას ყველა გამოვლენილი ხარვეზი/დაზიანება, აპარატული/ფიზიკური დაზიანების შემთხვევაში აღდგენის დრო არ უნდა აღემატებოდეს 14 (თოთხმეტი) დღეს (კალენდარული დღე), ხოლო ინფორმაციის მატარებლის (დისკი) დაზიანების შემთხვევაში აღდგენის დრო არ უნდა აღემატებოდეს 3 (სამი) დღეს. საქონლის მოწოდების შემდგომ აღნიშნული ინფორმაციის გადამოწმება შესაძლებელი უნდა იყოს მწარმოებლის ოფიციალურ საიტზე;

4. საგარანტო პერიოდის მანძილზე შემსყიდველს უნდა ჰქონდეს ცხელი ხაზით, ელ. ფოსტით და პორტალით მწარმოებელთან ინციდენტის რეგისტრირების საშუალება;

6. ხელშეკრულების შესრულების კონტროლი

1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ხელშეკრულების მოქმედების მთელ პერიოდზე.

2. ხელშეკრულების პირობების შესრულების კონტროლს განახორციელებს შემსყიდველის მიერ განსაზღვრული პირი ან პირთა ჯგუფი. ასევე კონკრეტულ შემთხვევებში მხარეთა შეთანხმებით შესაძლებელია მოწვეულ იქნეს სპეციალური ცოდნის მქონე სპეციალისტი (ექსპერტი);

3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია წერილობითი შეტყობინებიდან აპარატული/ფიზიკური დაზიანების შემთხვევაში 14 (თოთხმეტი) დღეში (კალენდარული დღე), ხოლო ინფორმაციის მატარებლის (დისკი) დაზიანების შემთხვევაში 3 (სამი) დღეში. გამოსწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება დაუბრუნოს შემსყიდველს აღნიშნული წუნდებული საქონლის ღირებულება.

7. მიღება-ჩაბარების წესი

1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელისმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

2. შემსყიდველის მხრიდან საქონლის მიღებას აწარმოებს: სსიპ საფინანსო-ანალიტიკური სამსახურის -----.

8. ანგარიშსწორება

1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

2. შემსყიდველი იღებს ვალდებულებას გადაუხადოს მიმწოდებელს მიწოდებული საქონლის ღირებულება მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

9. ხელშეკრულების შესრულების შეფერხება

1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

1. წინამდებარე ხელშეკრულების პირობების შეუსრულებლობის შემთხვევაში შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების 20%-ის ოდენობით.

2. წინამდებარე ხელშეკრულების პირობების ნაწილობრივ შეუსრულებლობის შემთხვევაში შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების არაუმეტეს 10%-ის ოდენობით.

3. წინამდებარე ხელშეკრულების პირობების არაჯეროვნად შესრულების შემთხვევაში (მათ შორის, ხელშეკრულების მე-4 მუხლის პირველი პუნქტის „ა“ ქვეპუნქტით გათვალისწინებული საქონლის მიწოდების ან/და მე-5 მუხლის მე-3 პუნქტის ან/და ხელშეკრულების მე-6 მუხლის მე-3 პუნქტით განსაზღვრული ვადების გადაცილების შემთხვევაში) მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

4. წინამდებარე ხელშეკრულებით განსაზღვრულ შემთხვევაში შემსყიდველი უფლებამოსილია შეწყვიტოს ხელშეკრულება მიმწოდებელთან და მოსთხოვოს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. ხელშეკრულების შესრულების გარანტია

1. ხელშეკრულების შესრულების უზრუნველყოფის საბანკო გარანტია გამოიყენება, მიმწოდებლის მიერ ხელშეკრულების ნაკისრი ნებისმიერი ვალდებულების შეუსრულებლობისათვის.

2. ტენდერში გამოყენებული ხელშეკრულების შესრულების უზრუნველყოფის საბანკო გარანტია შეადგენს ხელშეკრულების საერთო ღირებულების ___%-ს. ხელშეკრულების შესრულების უზრუნველყოფის საბანკო გარანტიის მოქმედების ვადა განისაზღვრება -----.

3. მიმწოდებლის მიერ წინამდებარე ხელშეკრულებით ნაკისრი ვალდებულების სრულად შესრულების შემდგომ, იგი უფლებამოსილია მოსთხოვოს შემსყიდველს აღნიშნული საბანკო გარანტიის უკან დაბრუნება.

13. დავების გადაწყვეტა

1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

2. თუ ასეთი მოლაპარაკების დაწყებიდან 5 (ხუთი) დღის განმავლობაში მხარეები ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონმდებლობით დადგენილი წესით.

14. ხელშეკრულების შეწყვეტა

1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ხელშეკრულების მოქმედების ვადა

1. წინამდებარე ხელშეკრულება ძალაში შედის მხარეთა მიერ ხელმოწერის დღიდან და მოქმედებს ----- ჩათვლით.

2. წინამდებარე ხელშეკრულების შესაბამისი მუხლები რომელთა მოქმედების ვადებიც აღემატება მე-15 მუხლის პირველი პუნქტის მოქმედების ვადას ძალაშია მათ სრულ შესრულებამდე.

16. სხვა პირობები

1. წინამდებარე ხელშეკრულება შედგენილი და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

2. ხელშეკრულებაზე თანდართული დანართი N1, წარმოადგენს წინამდებარე ხელშეკრულების განუყოფელ ნაწილს და განიხილება მასთან მთლიანობაში.

17. მხარეთა რეკვიზიტები:

შემსყიდველი

მიმწოდებელი

შესყიდვის ობიექტი	მწარმოებელი ქვეყანა, კომპანია, მოდელი და მახასიათებლები	რაოდენობა (კომპლექტი)	ერთეულის ფასი (ლარი)	საერთო ღირებულება (ლარი)
მონაცემთა შენახვის სისტემა (Storage) თანმდევი მომსახურებით (მონტაჟი/ინსტალაცია/ექსპლუატაციაში გაშვება) CPV 30233141		2		

შემსყიდველი

მიმწოდებელი